



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

55 Clausula in reservationibus pensionum à Summis Pontificibus apponi solita, quid declaret.

urn:nbn:de:hbz:466:1-10316

§ 2

& alia necessaria indigentibus solùm debeantur; ex supra allegatis, nisi aliter se haberet consuetudo, quæ est servanda, *us in dict. decis. super cap. 3. de resor. sess. 24. sub*

45 *tit. Vintimilien. Quia consuetudo ¶ pro lege habetur, cap. consuetudo, distinctione 1. & Bart. in l. 1. denique, num. 1. ff. de acquas. plu. arc.*

46 Frequens ¶ est quæstio in actu visitationis, & post publicationem decretorum in visitatione factorum, qui ad impensas pro ecclesiis, oratoriis, capellis, & altaribus fabricandis, vel restaurandis, aliisque juxta formam decretorum in visitatione factorum, ad ecclesiarum cultum, & ornatum parandis teneantur: & est distinguendum, quia juxta qualitatem, & statum beneficiorum diversimodè debet statui, & ordinari.

47 Si enim ¶ quæritur de parochialibus, quarum præsertim causa plures oriuntur difficultates; officium visitoris hoc casu præcipuum erit, de investiganda veritate valoris reddituum parochialis ecclesiæ, qui aut sunt certi, nempe, consistentes in prædiis cultis, & fructiferis, seu pensionibus prædiorum, & domorum; vel sunt incerti, ut qui consistunt in decimis, aut primitiis, quæ non habent certam quoram taxatam, quid & quantum parochiani parrocho persolvere teneantur, vel sunt omninò incerti consistentes in oblationibus, & elemosynis penitus incertis.

48 Primò casu, ¶ cum super parochialium ecclesiarum fructibus, qui non excedunt summam ducatorum centum, pensiones annuæ reservari minime possint, obstantes

49 decreto sacri concilij Tridentini, *cap. 23. de reform. sess. 24.* sequitur, ¶ quòd sacrum concilium quòd novit, quæ parochis sunt

necessaria ad eorum congruam sustentationem, dictam summam taxaverit, pro necessariis eorum alimentis, & indumentis; nec cum minori annuo reddito decenter vivere possunt; cum quilibet parrochus saltem unum clericum illi interviuentem habere debeat, & propterea quòdlibet ¶ beneficium præsumatur esse annui redditus pro vita duorum, *cap. ut quisque, junct. gloss. in verb. clericum, de vit. & honest. cler. & Felyn. in cap. ad aures. numer. 4. vers. tertia conclusio, de rescript.*

50 Licet ¶ enim, qui parochiales ecclesias obtinent, ad reparationem ecclesiarum cogi possint: hoc procedit, cum de redditibus, quæ sunt ipsius ecclesiæ: eis supersunt ultra necessariam sustentationem, quòd tunc conferre teneantur, ut probat text. in *cap. de his, de eccles. adific. & reparan.* aliàs non, quia clerici ¶ vivere debent de patrimonio Iesu Christi, cuius obsequio deputantur, *c. cum secundum de præben.*

Quando verò ¶ parochialium fructus excedunt dictam summam centum ducatorum, tunc si agitur de fabrica totius, vel majoris partis ecclesiæ, seu domus canonicalis, partes visitoris erunt in condemnando parrochum ad concurrendum cum parochianis, pro illa portione, ad quã arbitrio boni viri erit condemnandus, non autem in tota illa quantitate pecuniarum, quæ excedet summam centum ducatorum, quia non ita strictè est illa summa perstringenda, quin etiam pro qualitate loci, & personæ ¶ majores redditus parrocho debeantur, & illi ducati centum rectori liberi remanere debent, ut est ¶ de mente Pontificum, qui in reservationibus pensio-

penfionum, apponunt clausulam, quod ducati centum remaneant liberi pro rectore, & illud verbum, † liberi, habet latam significationem, quod sint integri sine diminutione deductis oneribus, & expensis in illis recolligendis gloss. in cap. gravis. in ver. fructus, de restit. spol. l. 1. & ibi Paul. de Castr. c. de fruct. & lit. expens. Bald. in cons. 53. in fin. volum. 1. & computantur respectu utilitatis, quæ habetur in apportatis in absentia. Staphil. de grat. expectat. numer. 64. & 65.

Si autem † agatur de reparatione ecclesie parochialis, quæ pauca indigeat restauratione, nempe, incrustatione, dealbatione, in aliqua muri parte restauratione, & his similibus, careatque paramentis, & aliis ad ornatum, & usum altaris, vel sacristie necessariis, tunc parochus usque ad tertiam partem sumptus, qui erunt subministrandi, taxari poterit, & condemnari, vel eidem parochus portio calices, paramenta, mappas, corporalia, & purificatoria comparanda concernens, poterit assignari. Quamvis enim parochus ex parochiali percipiat ultra ducatos centum, non propterea parochiani à fabrica, & restauratione parochialium sunt exempti, sed regulariter ipsi totum, vel partem contribuere tenentur; & à viris pijs secularibus præcipue † parochiales ecclesie, impensa Universitatum fabricantur. c. futuram. §. ab illo 12. qu. 1. cap. nemo Ecclesiam, & c. si quis de consecr. dist. 1.

Nam † Constantinus primus fabricam templi primæ Sedis Beati Petri instituit, adeo ut sedem imperialem relinqueret Beato Petro, successoribusque suis profuturam, licentiamque per universum or-

bem, † sub suo degentibus Imperio fabricandi ecclesias concederet, ut dicto cap. futuram.

Quapropter † ecclesiarum numerus fuit postea ab Imperatoribus, aliisque principibus, ac pijs viris auctus, & quotidie Deo benedicente augetur. auth. ut de term. sit. num. cler. colum. 1. quando verò ecclesia † per aliquam ædificatur, debet tanta dos ei constitui, ut presbyteri, & alii ecclesie inservientes possint sustentari, luminaria haberi, hospites recipi, & jura Episcopalia persolvi, ut inquit Bart. in dict. auth. nu. 1. auth. ut nul. s. b. ric. orat. dom. col. 5. & facit text. in c. 2. §. ubi autem, de decim. in 6. & c. 1. de præb. eod. lib.

Cum enim, † qui altari servit, de altari vivere debeat. cap. ex his. 12. qu. 1. & c. cum secundaum. de præben. non sunt parochialium Ecclesiarum Rectoribus alimenta, ad eorum statum necessaria, minuenda, quia, os bovi tritुरanti non est alligandum. Deut. cap. 25. c. ecclesias. vers. irem non alligabis. 13. quest. 1. & c. extripanda vers. cum igitur de præb.

Secundò casu, † quando redditus parochialis consistunt tantum in decimis, & primitiis, ex quibus parochus non recipit certum, & determinatum redditum singulis annis, informationes summarie à viris non suspectis in actu visitationis sunt sumendæ: & anno fertili cum sterili, per quinquennium tunc proximè elapsum, calculato, ut redditus ecclesiastici calculari, & communiter æstimari solent, ut post Bar. Abb. Felyn. & alios, quos citat, tenet Gomel. in reg. de val. exprim. quest. ult. si redditus parochialis annis singulis summam centumducatorum excedunt, tunc parochus modo, quo supra concurre-